

靈寶无量度人上品妙經卷之二十七 玄七

紫光丹靈品

道言昔於大丹天中絳華虛歌太玄景土受  
 元始度人紫光丹靈无量上品元始天尊當  
 說是經周回十過以召十方始當詣座天真  
 大神上聖高真妙行真人紫光丹靈元化大  
 神無鞅數眾乘空而來飛霞浮霄琅輿寶輪  
 玉蓋垂蔭絳雲藹虛五色蒼蔚洞煥太无七  
 日七夜諸天靈關日宮月府騰耀凝輝瑤闕  
 層城通明瑩徹星網回運五斗舒光九道散  
 灑碧壘交纏寶圓泛景天貫飛煙一國地土  
 川谷林藪緬平一等無復高下土皆變紫瑤  
 無有異色眾真侍座元始天尊玄坐空浮九  
 色寶華丹耀飛瓊之座說經一遍諸天大聖  
 同時稱善是時一國男女道性開通了悟玄  
 妙說經二遍神府流珍玄泉泛液說經三遍  
 妙範宣微密周眾體說經四遍雙景朝元玉  
 關合會說經五遍洞神應變生化自然說經  
 六遍冲和降統形極仙真說經七遍靈功遠  
 逮開濟祖先說經八遍天尊身上騰大羅

下降九淵長夜停悲寒宮罷對說經九遍鬼  
 官考吏升補仙階說經十遍三界之下一切  
 眾生皆見紫光丹靈之道是時一國是男是  
 女莫不傾心皆受護度咸得長生

道言是時元始天尊說經一遍東方无極无  
 量品青元大神無鞅之眾浮空而至說經二  
 遍南方无極无量品太丹大神無鞅之眾浮  
 空而至說經三遍西方无極无量品皓素大  
 神無鞅之眾浮空而至說經四遍北方无極  
 无量品玄光大神無鞅之眾浮空而至說經  
 五遍東北无極无量品鎮靈大神無鞅之眾  
 浮空而至說經六遍東南无極无量品流飄  
 大神無鞅之眾浮空而至說經七遍西南无  
 極无量品神金大神無鞅之眾浮空而至說  
 經八遍西北无極无量品天垣大神無鞅之  
 眾浮空而至說經九遍上方无極无量品圓  
 羅大神無鞅之眾浮空而至說經十遍下方  
 无極无量品冲妙大神無鞅之眾浮空而至  
 十遍周竟十方无極紫光丹靈大神一時同  
 至一國男女傾心歸仰各相謂言我初聞經

即悟神丹真氣灌鍊合體通明微妙道範未  
 證仙真來者有如繁星積霧飛雲細塵無鞅  
 之眾迨國一半土皆偏陷非可禁止於是元  
 始懸一寶珠大如黍米在空玄之中去地五  
 丈元始登引天真大神上聖高尊妙行真人  
 十方无極紫光丹靈大神無鞅數眾俱入寶  
 珠之中天人仰看惟見勃勃從珠口中入既  
 入珠口不知所居國人廓散地還平正無復  
 歇陷元始即於寶珠之內說經都竟眾真監  
 度以授於我當此之時喜慶難言法事粗悉  
 諸天復位修歛之間寂無遺響是時天人遇  
 值經法普得濟度全其本年無有中傷傾土  
 歸仰咸得至真養氣養神養元養精養志養  
 妙養慧養形養生養性光華被體靈丹告成  
 齊同慈愛異骨成親國安民豐欣樂太平經  
 始出教一國以道預有志心奉禮恭敬皆得  
 度世

道言元始天尊說經中所言並是諸天上帝  
 內名隱韻之音亦是上真內諱列聖之隱名  
 也誦誅之者紫光內映丹靈輔魂玉丹鋪飼

太一降真非世之常辭上聖已成真人通玄  
究微能悉其章誦之十過諸天遙唱萬帝設  
禮合景升玄丹靈捧雲內化日月俠侍星辰  
群魔束形鬼精滅爽回屍起死白骨成人至  
學之士誦之十過則五帝侍衛三界稽首魔  
精喪眼鬼杖滅爽濟度垂死絕而得生所以  
爾者學士穢氣未消體未洞真以制十方威  
未制天政德可伏御地祇束縛魔精但感丹  
光度形而已不能更生輕誦此章身則被殃  
供養尊禮門戶興隆世世昌熾與善因緣萬  
災不干神明護門斯經尊妙獨步玉京度人  
无量為萬道之宗巍巍大範德難可勝  
道言凡誦是經十過諸天齊到心丹自靈紫  
光保身億曾萬祖幽魂苦爽皆即受度上升  
朱宮格皆九年受化更生得為貴人而好學  
至經功滿德就皆得神仙太一玉丹賜兆長  
生飛升金闕遊宴玉京也上學之士修誦是  
經知覺性明元命歸神玉丹潛符紫光騰凌  
皆即受度飛升南宮世人受誦則丹津自生  
流注胎神延壽長年後皆得作屍解之道魂

神暫滅不經地獄即得返形遊行太空此經  
微妙普度無窮一切天人莫不受慶無量之  
福生死蒙惠上天所寶不傳下世至士齋金  
寶效心盟天而傳輕泄漏慢殃及九祖長役  
冥官侍經五帝玉童玉女各三十二人營衛  
神文保護受經者身

道言正月長齋誦詠是經紫光丹靈陽德度  
冥玉丹九回七世成真為上世亡魂斷地逮  
役度上南宮七月長齋誦詠是經紫光丹靈  
真道歸體能屈能伸身得神仙諸天書名黃  
籙白簡削死上生十月長齋誦詠是經紫光  
丹靈太一授書玉丹護真為國王帝主君臣  
父子安鎮國祚保天長存世世不絕常為人  
君安鎮其方民見太平八節之日誦詠是經  
紫光丹靈鑪開八門鼎有九宮太一為尊得  
為九宮真人本命之日誦詠是經紫光丹靈  
悟兆元命得為真人魂神澄正萬氣長存不  
經苦惱身有光明三界侍衛五帝司迎萬神  
朝禮名書上天功滿德就飛升上清  
道言行道之日皆當香湯沐浴齋戒入室

東向叩齒三十二通上聞三十二天心拜  
三十二過閉目靜思身坐紫赤黃三色雲  
氣之中內外蒼冥有青龍白虎朱雀玄武  
獅子白鶴羅列左右頂上紫光內有太一  
玉丹赤光如日大如彈丸捧在神雲之內  
日月照明洞煥室內頂生圓象光映十方  
如此分明密呪曰

无上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十二人關啓所言今日吉慶  
長齋清堂修行至經无量度人願所啓上徹  
徑御

无上三十二天元始上帝至尊几前  
引系三十二過東向誦經

元始无量度人上品妙經  
元始洞玄靈寶本章紫光丹靈上品妙首九  
轉度人太一隱韻玉丹自然混洞赤晶華元  
上真生育天地造化群靈太有玄宮耀光彌  
綸開導九淵交絡天根太一蔚微萬物生神

燮燮丹景圓照通明外連四虛包含玉嬰元  
 始大劫五緯流形是為靈瑞紫極高濤鬱嶽  
 蕭山太上玄京上通圓曜瑤闕飛精神運廣  
 筵昌玉純英方臨帝仞元化開生太微明堂  
 青霞碧城安鎮十方貫氣八冥下連列宿降  
 妙群星魏魏上帝安坐玉垣中有紫陽大範  
 之真中有光飛玄極之君中有丹華符應元  
 君中有靈通上妙真人中有開天化氣司生  
 司育九微八道皇老尊神丹靈上範宸極度  
 人載天持地列聖開生共宣洪化度劫回津  
 今日降鍊萬神臨軒  
 東方无極紫光丹靈神王長生大聖无量度  
 人  
 南方无極紫光丹靈神王長生大聖无量度  
 人  
 西方无極紫光丹靈神王長生大聖无量度  
 人  
 北方无極紫光丹靈神王長生大聖无量度  
 人  
 東北无極紫光丹靈神王長生大聖无量度  
 人

人  
 東南无極紫光丹靈神王長生大聖无量度  
 人  
 西南无極紫光丹靈神王長生大聖无量度  
 人  
 西北无極紫光丹靈神王長生大聖无量度  
 人  
 上方无極紫光丹靈神王長生大聖无量度  
 人  
 下方无極紫光丹靈神王長生大聖无量度  
 人  
 十方至真紫光丹靈神王長生度世无量  
 神並乘紫光飛雲丹霞寶輿綠瑯神輦方蓋  
 圓輪驂駕白虎綠鳳丹鸞建八元神節明颯  
 羽旛前列三天大仗後從朱陽萬兵鬱單玉  
 真遊空步虛三師啓塗九仙捧轅億乘萬騎  
 浮空而來傾光回駕錫丹度生統仙丞相太  
 極元宮九垣玉輔皇老大神執簡持章齊會  
 帝宸俯閱教科下頒幽局變化梵氣周流五  
 行隨所飛奏開導諸天普告神洲仙境靈鄉

洞天福地海嶽河源三元曹局九淵化城關  
 紐網維閭風崑崙瑤闕三真玄華帝臺劫仞  
 彌羅大經玉輪元皇詔命時刻飛升開度先  
 祖受對苦魂遺遺解脫隨光上賓玉眸鍊質  
 素暉蕩形上登流火仙變生身合景太霄與  
 運長存因緣輪轉劫劫無傾永斷衰凶勝伏  
 尅害之厄超凌玉虛受化洞陰過度生關飛  
 神絳垣之天天帝洞丹無色之境梵行

東方八天  
 旌房簡宮天 帝伯弓思臧  
 慶德昭符天 帝正車燕良  
 用靈希祕天 帝契岸孔冲  
 求玄絜聞天 帝持時明  
 利陽開華天 帝招仙圖休  
 勝穆問宗天 帝叔洪蘊都  
 降華極光天 帝規童倚賢  
 寵猷清儀天 帝梁部央疇  
 南方八天  
 紹經師濟天 帝靜敷樂襄  
 火洞薦隆天 帝勅陀除魔

耀神司丙天  
特靜淪化天  
廉聖廣明天  
極陽遠靈天  
純修至感天  
杳冥普居天  
西方八天  
光遼慈息天  
神耀總靈天  
碧葦璇珍天  
定籍朱宮天  
虎章考錄天  
太無真首天  
錄皇寂根天  
平虞夙野天

帝華魂錄靈  
帝確啓絃嵩  
帝謁通俛會  
帝將維卑光  
帝兆用無兼  
帝黨南式回  
帝蒙擊遠休  
帝顯多鄰洙  
帝鐸妙田并  
帝胡堂祕公  
帝阿韓呂全  
帝儲能捨祗  
帝淪仲息完  
帝資綠景班

璿漢靈官真天  
霄靈皇紫光天  
文欽哲員天  
昌都萬華秀宗天  
帝達匪報祥  
帝略淵詞臯  
帝格涂玄  
帝冒嘉龍周  
帝炎耀黑帝主成黃帝立極正氣交并化生  
寶丹九道鬱凝青霞神王覺除虛開赤霞神  
王孟都昌期白霞神王玉光凌采黑霞神王  
紫扉密回黃霞神王金郊靈晞五方神王萬  
氣之宗佐天丹靈飛行九宮持幢仗節遊化

高空紫光赫奔列聖齊功上天濟生開度北  
鄼神王受命掃蕩不祥青龍左持白虎右張  
朱雀前驅玄武後防四象纏結丹符洞章擲  
火流鈴揮擊十方敢有妖魅干我黃房玄鉞  
斬滅天吏定刑屠割鬼爽風火飛騰千千馘  
首萬萬誅形魔無考試鬼無祆精三元九司  
嚴校雲營不容怠縱飛章奏呈普告三界諸  
地八冥九宮玄師言功太清  
靈符大錄太上真文三光妙氣浩劫生成崐  
嶠玄嶽巨液之明開張玄化火耀金升赤白  
既顯元神鬱凝天廓澄高覆周九冥太一王  
境為丹之靈上連下接非色非淵風轉至陰  
虛動神源源神合道植立德天天上天下泛  
景浮沉元光浩蕩玉極無形溟滓太一玄丹  
赤明皇運金華景品彌綸宣布洪京元始瑤  
篇赤書寶符合氣成仙安制九方以命長延  
梵氣騰飛包絡交纏紫光散分為緯為經元  
風流演三十六門輪轉太虛周結生根旋紐  
歷綱回度飛輪六十九氣總御三元二景冥  
符氣降玄泉玄泉太真帝道洪軒八威萬華

安鎮綿綿七關四維與天齊并絳霄鬱翠輝  
映無傾皇一三帝大洞洞風伯史育嬰千景  
玄童千交萬和自然成真真中有神萬境居  
尊紫光真人丹天上靈長生大帝青華玉君  
太一務猷司命無英白元赤子制魄拘魂桃

康合延布氣管精執冊運關保度天民上遊  
清微內居琳琅太極寶洞大經明堂下鎮人  
身六府五宮中理百神混合飛空十詠洞章  
與氣俱仙道貴真丹紫光度人神鑪八門運  
天三輪陳羅禁戒宿化因緣咸獲開濟無量  
生身身得受生舉形上升升入玉垣俾各應  
丹靈天勳群魔吟詠謠音九華隱篇辭參高  
真

第一紫光丹靈飛空之音  
天谷靈泉 真光絳煙 飛霞挹芒  
雲周九淵 回遠崐崙 萬景合仙  
升騰紫虛 灌鍊交纏 妙有空無  
降氣玄丹 玄丹化生 無極真關  
九道神輝 下燭鄧山 真功昭著  
開度七玄 采輝登晨 飛升玉軒

金華變體 遊行八審 永超神府  
大福綿綿

第二紫光丹靈仙王之章

天垣玉霞 九和育嬰 丹章上道  
宸極珠英 太華大寶 化為玉京

玄元祖範 紫光煥明 人有元象  
中藏至精 變化冲妙 升入皇寧

元始真氣 聲立生根 青琅丹碧  
徊水玉晶 濯羅結璘 絳天奔星

周旋三景 流飛火鈴 蕩蕩帝氣  
巍巍劫城 雙元合應 大朴構形

第三紫光丹靈真王歌曰

金闕啓靈扉 真光遍諸天 萬仙集帝宮

鳴鐘謫飛煙 一唱召萬神 再歌來衆真

茫茫化八圓 珠樓疎琳庭 太上攝千精

元始命伯華 令奔紫晨輝 長生引真牙

妙範秘玄嶽 碧落回雲霞 端坐九霄中

天墉羅九門 日月列其傍 下有層雲屯

紫光化丹靈 駭駕舞龍軒 自然玉清帝

瓊嶽請元尊 宣布玉丹道 太一天皇文  
普使諸天境 悟玄為種民 設此大法梁  
正憲永流行

此三界之上飛空之中真王歌音參洞章  
誦之百遍名度南宮誦之千遍真王保迎萬

遍道備飛升太空過度三界位登仙公有聞  
靈音真王敬形勅制地祇侍衛送迎拔出地

戶五苦八難七祖升遷永離北陰魂度朱陵  
受鍊更生是謂無量普度無窮有祕上天文

諸天共所崇泄慢墮地獄禍及七祖翁  
道言此二章並是諸天上帝及紫光丹靈隱

祕之音能知太一玉丹為已元命存而保之  
不使陰穢邪妄昏觸返歸心源紫光照燭逆

知彊名寓於心相非心非神非丹非靈玄關  
脫略悟而得道既得道已即心即神即丹即

靈生死往還並無所礙天宮上境遂性遊嬉  
謂之真人亦曰神仙七祖飛升逍遙億劫皆

是大梵之言非世上常辭言無韻麗曲無華  
宛故謂玄典難可尋詳上天所寶祕於高上

神霄玉清王府東室寶藏之內依科三萬七

千年運應下傳若有至人齋金寶積心依舊  
格告盟十天然後而付焉

道言夫天地運度者終日月五星虧盈至聖  
神人休否末學之夫疾傷凡有此災同氣皆  
當齊心修齋六時行香十遍轉經福德立降

消諸不祥無量之文普度無窮

道言夫末學道淺或仙品未克運應滅度身  
經太陰臨過之時同學至人為其行香誦經  
十過以度屍形如法則泥丸中太一諱重冥  
空字幽家無吐玉丹之英返兆生氣魂神徑  
上南宮隨其學功計日而得更生輪轉不惑  
便得神仙

道言夫天地運終星宿錯度日月失輝四時  
失度陰陽不調國境有災疫毒流行兆民死  
傷師友命過同氣災殃皆當修齋行香誦經  
夫齋戒誦經功德甚重上消天災保鎮帝王  
下穰毒害以度兆民生死受賴其福難勝故  
曰无量普度天人  
道言凡有是經能為天地帝主兆民行是功  
德有災之日發心修齋燒香誦經十過皆諸

天記名萬神侍衛右別至人克得為聖君金  
闕之臣諸天記人功過毫分無失天中真王  
亦保舉爾身得道者乃當洞明至言也  
諸天中大梵隱語无量音 道君謨  
元始紫光丹靈玉篇

東方八天

乙羅刹賓 虔踞恒微 祕裝則派  
高牙輦綏 仗毅秦役 瑤真元岐  
洞嶽勅玉 琅卿簡環 幽流互會  
越田正催 頗惟澤柄 推察冥稽  
趙品逸鐸 梁辭變機 郝完賜鉤  
洪廷伯龜  
南方八天  
品慈盈菌 憂和凌京 燕翳洽巔  
祝勿幻平 離皇遠寅 歌輪夷恒  
旦奏屏約 車塗石肩 道辯驛別  
熙都索明 慶備河湄 奚梅趙真  
記益膏彌 烏靈交兵 赤旃胡陀  
摩求默淳  
西方八天

教飛瓊格 曆本日箕 論竹明席  
延闋次鈞 長儀並敷 闕披江薰  
祕露忽漢 餘棠已門 察落正梵  
依畢差純 勤裒曜比 杓範交弁  
闡第委媚 斗紐升行 君支陽微  
隕作常呈

北方八天

關師時昌 聯符易蕭 碧斷幽根  
霞激邊毫 原趨運昂 季學明刀  
政霜堅濤 杞南惟商 漸胙華敵  
晶焰求興 丁羌把房 族英猷卿  
緣冥使裔 焦昂步汀 允臨其零  
爵述撩靈  
道言此諸天中大梵隱語无量之音舊文書  
高上神霄玉清王府紫光丹靈之閣金門左  
扉之上以盟諸真亦傳東極宮中已成真人  
者使知妙道字皆廣長一文天真皇人上真  
道君昔書其文以為正音有知其音能齋而  
誦之者諸天皆遣飛天神王下觀其身書其  
功勤上奏諸天萬神朝禮地祇侍門大勳真

王保舉上升道備克得遊行三界升入金門  
此音無所不辟無所不禳無所不度無所不  
成天真自然之音也故誦之致大魔下觀  
上帝遙唱萬神朝禮三界侍軒群袂束首鬼  
精自亡琳琅振響十方肅清河海靜默山嶽  
吞煙萬靈振伏招集群仙天無氛穢地無氛  
塵冥慧洞清大量玄玄也

元始无量度人上品妙經卷之二十七

靈寶无量度人上品妙經卷之二十八 玄

三辰光輝保命延生品

道言昔於始青天中碧落空歌大浮黎土受  
元始度人无量上品元始天尊當說是經周  
回十過應現諸天說此度人六周十遍无量  
神靈盡來集會聽法大衆咸皆濟度其經藏  
於高上神霄玉府宣說玉音演暢大法元始  
天尊自上皇開基散布真氣造立道境復於  
太皇之末中皇之始下於東方建通靈禁上  
太霞洞元之天開上皇梵飛世界運仙化飛  
昇之風舒飛仙洞羅之氣南方洞陽太光之  
天開陽明洞耀世界運赫炎朱火之風舒三  
天火鍊丹池之氣西方九仙梵行之天開渺  
行露雲世界運高皇大霏之風舒少陰開明  
運仙之氣北方陰生廣靈之天開玄滋駕光  
回飛世界運上極羅天之風舒真洞飛光之  
氣至於東北始青木皇之天開碧落空歌世  
界運融和九氣之風舒始陽震生之氣垂珠  
攝煙建法略竟元始法身示現三百六十變  
化大放九色神光洞照空有元始一氣數落

萬真青陽宮中寶胤聖胎三氣周流木母生  
火出於東鄉玉雲萬華溫明世界紫金龜闕  
狀如嬰童黃朱錦衣巾金帶瓊坐鎮三垣為  
萬象之主膺我玉宸元皇之號現圓象於太  
空日月列宿儼侍左右赤景至陽為日黃華  
純陰為月八素流精為星辰九元五章為神  
靈鎮天剛之樞居三辰之上即於太素天中  
景霄虛陰長樂化境受元始度人三辰光輝  
保命延生之法始當詣座天真大神上聖高  
尊妙行真人無鞅數衆乘空而來三素飛雲  
八景琅與華幡翠節流彩揚光五色鬱勃洞  
煥高虛靈霞散空三辰交映華芒四射妙氣  
結形自成龍鳳甘露飄珠神煙卷縷纏綿緝  
靜網絀旋回聖真心日照達明徹山川林木  
互入無礙天蓋圓浮土如碧玉無有異色列  
仙環侍元始天尊玄坐虛浮火玉交光神虎  
之座說經一遍諸天大聖同時稱善是時太  
極元綱星羅雙耀官闕通明說經二遍景星  
騰光照朗太微說經三遍黃氣陽精徊天儼  
空說經四遍五緯列真同會玉闕說經五遍